



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: UP-1/21-1-40-173-4/26

Datum: 09.06.2026. godine

«Agencija za vodno područje rijeke Save» Sarajevo, rješavajući po zahtjevu pravnog lica «BH Telecom» d.d. Sarajevo – Izvršna direkcija za investicije, za donošenje rješenja o prethodnoj vodnoj saglasnosti za aktivnost – izgradnja novog stuba i polaganje optičkog spojnog kabla na dijelu parcele označene kao k.č. broj 2153/1 K.O. Kakanj, općina Kakanj, a u postupku izdavanja urbanističke saglasnosti za izgradnju optičkog spojnog puta za baznu stanicu Kakanj Varda, na osnovu člana 109. stav (1) a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Daje se prethodna vodna saglasnost pravnom licu, «BH Telecom» d.d. Sarajevo – Izvršna direkcija za investicije, za aktivnost - izgradnja novog stuba i polaganje optičkog spojnog kabla na desnoj obali rijeke Bosne na dijelu parcele označene kao k.č. broj 2153/1 K.O. Kakanj, općina Kakanj (unutar granice vodnog dobra) a u postupku izdavanja urbanističke saglasnosti za izgradnju optičkog spojnog puta za baznu stanicu Kakanj Varda.
2. Rješenje o prethodnoj vodnoj saglasnosti broj: UP-1/21-1-40-008-6/24 izdato dana 19.03.2024. godine se donošenjem ovog rješenja stavlja van snage.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 3.1. Da je planirana aktivnost usklađena sa važećom prostorno-planskom dokumentacijom i razvojnim planovima Općine Kakanj.
 - 3.2. Da korisnik prethodne vodne saglasnosti osigura izradu tehničke dokumentacije na osnovu koje će se vršiti izvođenje radova na izgradnji novog stuba i polaganje optičkog spojnog kabla na desnoj obali rijeke Bosne (unutar granice vodnog dobra) na dijelu parcele označene kao k.č. broj 2153/1 K.O. Kakanj, općina Kakanj.
 - 3.3. Da se trasa predmetne pristupne mreže prikaže na snimljenoj situaciji odgovarajuće razmjere koja odražava trenutno stanje na terenu, sa prikazom položaja novog stuba i trase optičkog kabla u odnosu na rijeku Bosnu i postojeće hidrotehničke objekte ukoliko se takvi nalaze u pojasu polaganja trase optičkog spojnog kabla (zaštitni vodoprivredni objekti, objekti vodovodnog i kanalizacionog sistema...), te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. kao i dati prijedlog mjera za uklanjanje odnosno sprječavanje tih uticaja.
 - 3.4. Projektnom dokumentacijom definisati način privremenog, pa sve do konačnog zbrinjavanja viška iskopanog materijala i ostalog otpada koji će nastati prilikom izgradnje novog stuba i pristupne mreže vodeći računa da se isti ne smije odlagati na česticu «vodno dobro», odnosno u vodotoke i na njihove obale.
 - 3.5. Način ukrštanja optičkog kabla sa postojećim vodovodnim, kanalizacionim, elektroenergetskim i drugim instalacijama treba projektovati u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 3.6. Projektnom dokumentacijom definisati organizaciju i tehnologiju izvođenja radova u obalnom pojasu rijeke Bosne, te definisati mjere koje je potrebno poduzeti u toku izvođenja radova na polaganju optičkog kabla kako ne bi došlo do erozionih procesa na obalnom području rijeke Bosne kao i do negativnih uticaja na druge korisnike voda (vodosnabdijevanje, ribarstvo i sl.).
 - 3.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, vodoprivrednih interesa te ekoloških zahtjeva.

4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
5. Po izradi i reviziji investiciono-tehničke dokumentacije, u skladu sa uslovima iz tačke 3. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 6.1. Revidovana investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja,
 - 6.2. Rješenje o urbanističkoj saglasnosti,
 - 6.3. Dokaz o izvršenoj uplati upravne takse u iznosu od 60 KM.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

Pravno lice, «BH Telecom» d.d. Sarajevo - Izvršna direkcija za investicije, obratilo se ovoj Agenciji dana 28.04.2026. godine zahtjevom za izdavanje prethodne vodne saglasnosti za aktivnost - izgradnja novog stuba i polaganje optičkog spojnog kabla na dijelu parcele označene kao k.č. broj 2153/1 K.O. Kakanj, općina Kakanj a u postupku izdavanja urbanističke saglasnosti za izgradnju optičkog spojnog puta za baznu stanicu Kakanj Varda.

U provedenom postupku, uz zahtjev za izdavanje prethodne vodne saglasnosti dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 065-0-Reg-24-004991 izdatog dana 14.01.2025. godine od strane Općinskog suda u Sarajevu,
- Ovjerena kopija Uvjerenja o poreznoj registraciji izdatog dana 13.10.2014. godine od strane Porezne uprave Federacije BiH – Kantonalni porezni ured Sarajevo,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-6808-2/14 izdatog dana 11.11.2014. godine od strane Uprave za indirektno – neizravno oporezivanje Banja Luka,
- Idejni projekat za izgradnju optičkog spojnog puta za BS Kakanj Varda, općina Kakanj, šifra: IP-OK WBS-IR 4/25.250 urađen u januaru 2026. godine od strane «BH TELECOM» d.d. Sarajevo,
- Kopija Zaključka broj: 04/1-19-783-1/26 izdatog dana 04.03.2026. godine od strane Službe za privredu, urbanizam i zaštitu okoline Općine Kakanj,
- Kopija Rješenja o prethodnoj vodnoj saglasnosti broj: UP-1/21-1-40-008-6/24 izdatog dana 19.03.2024. godine od strane «Agencije za vodno područje rijeke Save» Sarajevo,
- Dokaz o uplati upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je obavještena javnost dana 29.04.2026. godine putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 30.04.2026. godine u dnevnom listu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je:

U cilju optimizacije pristupne mreže koja će omogućiti pružanje širokopojsnih usluga (MOJA TV i ADSL) korisnicima na području naselja Varda, općina Kakanj, te zadovoljiti potrebe krajnjih korisnika za kvalitetom usluga, planirano je polaganje optičkog spojnog kabla djelimično u rovu i izgradnja novih betonskih stubova do bazne stanice Kakanj Varda. Novoprojektovana trasa optičkog kabla će se polagati u rovu od postojećeg kablovskog okna OK 23 lociranog neposredno ispod Cementarskog mosta (PEHD cijev u dužini cca 5 m) do prvog novog betonskog stuba na parceli označenoj kao vodno dobro (k.č. broj 2153/1 K.O. Kakanj). Dalje se kabl vješa po stubovima (postojećim i novim) duž regionalnog puta R-445 Kakanj-Bilješevo-Lučani do bazne stanice Varda.

U postupku izdavanja urbanističke saglasnosti za polaganje optičkog spojnog privoda (OSP) za baznu stanicu Kakanj Varda u naselju Varda, općina Kakanj, od strane Agencije je dana 19.03.2024. godine doneseno Rješenje o prethodnoj vodnoj saglasnosti broj: UP-1/21-1-40-008-6/24 za polaganje optičkog spojnog privoda na desnoj obali rijeke Bosne na dijelu parcele označene kao k.č. broj 2153/1 K.O. Kakanj, općina Kakanj. S obzirom na nemogućnost rješavanja imovinsko pravnih odnosa na trasi planiranog spojnog kabla, usvojeno je novo tehničko rješenje polaganja kabla. Prema novom projektnom rješenju predviđeno je djelimično polaganje kabla u rovu te vješanje istog na postojeće i nove stubove do bazne stanice Varda (projektom predviđena izgradnja jednog stuba na dijelu parcele označene kao vodno dobro).

U ponovljenom postupku izdavanja urbanističke saglasnosti, a prema Zaključku broj: 04/1-19-783-1/26 izdatom dana 04.03.2026. godine od strane Službe za privredu, urbanizam i zaštitu okoline Općine Kakanj, «BH Telecom» d.d. Sarajevo je podnio novi zahtjev za prethodnu vodnu saglasnost.

Nakon uvida u dostavljenu dokumentaciju, utvrđeno je da, shodno članu 7. stav (1) tačka 7. i članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva, «BH Telecom» d.d. Sarajevo - Izvršna direkcija za investicije izda prethodna vodna saglasnost za aktivnost - izgradnja novog stuba i polaganje optičkog spojnog kabla na dijelu parcele označene kao k.č. broj 2153/1 K.O. Kakanj, općina Kakanj, pa je riješeno kao u dispozitivu ovog rješenja.

Uslovi koji se trebaju ispoštovati prilikom izrade projektne dokumentacije a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Uplaćeni su i posebni troškovi prema Zaključku ove Agencije broj UP-1/21-1-40-173-3/26 od 20.05.2026. godine.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- «BH Telecom» d.d. Sarajevo - Izvršna direkcija za investicije
ul. Franca Lehara br 7, 71000 Sarajevo
- ⊖ AVP Sava, ISV-vodna knjiga
- Sektor 40 – arhiva
- Oglasna ploča AVP Sava